

Llysgennad CAFC 2020



Noddwr / Patron: Her Majesty The Queen
Prif Weithredwr / Chief Executive: Steve Hughson
Cadeirydd y Cyngor / Chairman of Council: David Lewis DL FRICS FLAA FRAgS

Company Registration No.: 892851 Wales Charity Registration No.: 251232 VAT No.: 134 6903 69

Gwybodaeth Amgaeëdig

- **Cymdeithas Amaethyddol Frenhinol Cymru Cyf – gwybodaeth gyffredinol**
- **Canllawiau**
- **Rheolau a Rheoliadau**
- **Ffurflen Gais**

Cymdeithas Amaethyddol Frenhinol Cymru Cyf – Gwybodaeth Gyffredinol

Mae Cymdeithas Amaethyddol Frenhinol Cymru (CAFC) wedi chwarae rhan flaenllaw yn natblygiad amaethyddiaeth a'r economi wledig yng Nghymru ers dros ganrif. Heddiw mae ein gwaith yn cynnwys darparu cefnogaeth i fusnesau, lles cymdeithasol ac addysg mewn cymunedau gwledig ynghyd â chynnal digwyddiadau arddangos bythol-boblogaidd y Gymdeithas; sef yr Ŵyl Tyddyn a Chefn Gwlad, Sioe'r Haf a'r Ffair Aeaf ar faes sioe sefydlog yng Nghanolbarth Cymru, sy'n cael ei farchnata hefyd fel man cyfarfod / lleoliad digwyddiadau.

Mae CAFC yn ddyledus i gefnogaeth ei haelodau sy'n gwasanaethu ar y Pwyllgorau Sirol Ymgynghorol ledled Cymru a siroedd y gororau.

Mae'r siroedd hyn yn cael cyfle ar sail rota i ddod yn Sir Nawdd CAFC am flwyddyn benodol; mae Llywydd a Llysgennad CAFC am y flwyddyn honno yn cael eu penodi o'r sir ac mae ef/hi yn gallu dylanwadu ar agweddau ar ddiwyddiadau CAFC. Mae'r Sir Nawdd yn cytuno hefyd i godi arian tuag at brosiect cyfalaf neu waith ar Faes y Sioe a bu'r trefniant hwn yn werthfawr y tu hwnt i ddatblygu'r safle.

Amcanion Cymdeithas Amaethyddol Frenhinol Cymru fel elusen yw:-

- Hyrwyddo amaethyddiaeth gynaliadwy, garddwriaeth, coedwigaeth, cadwraeth a'r amgylchedd ac yn arbennig Cymru;
- Annog a hyrwyddo gwyddor, ymchwil ac addysg amaethyddol, yn arbennig mewn perthynas â bwyd, ffermio a chefn gwlad;
- Hyrwyddo gwella da byw, lles anifeiliaid ac atal a dileu clefydau mewn anifeiliaid sy'n ddefnyddiol i ddyn;
- Cynnal arddangosiadau o ddulliau, technoleg a phrosesau amaethyddol cyfoes;
- Cynnal sioeau i arddangos da byw, dofednod, cynnyrch fferm a gardd a choedwigaeth, ac i arddangos dulliau amaethyddol, peiriannau a thechnoleg gyfoes a chynnal digwyddiadau o fath ategol;
- Hyrwyddo a hybu cadwraeth, gwarchodaeth a gwelliannau i'r amgylchedd ffisegol a naturiol er lles ac addysg y cyhoedd; a
- Hyrwyddo celfyddydau, diwylliant a threftadaeth cefn gwlad.

CANLLAWIAU PENODI

- ❖ ***A allech chi fod yr un i hyrwyddo amcanion y Gymdeithas a bod yn llefarydd a chodwr arian allweddol?***
- ❖ ***A ydych chi'n gefnogwr i Gymdeithas Amaethyddol Frenhinol Cymru ac yn awyddus i chwarae rhan flaenllaw wrth hyrwyddo'i nodau a'i hamcanion, gan weithio ar sail wirfoddol?***
- ❖ ***A ellwch chi gyflawni swydd uchel ei phroffil, cyfarfod a rhyngweithio gyda phobl o bob cefndir, siarad yn gyhoeddus a delio â'r cyfryngau o bosib; gan ymgymryd â chyfweiliadau radio a theledu byw a chyfathrebu ar y cyfryngau cymdeithasol? Cadw dyddiadur cyhoeddus o'ch gweithgareddau i'r Gymdeithas trwy gyfrwng blog.***
- ❖ ***A oes gennych y brwdfrydedd i weithio ochr yn ochr â thîm Busnes a Marchnata CAFC i helpu i hyrwyddo Amaethyddiaeth ac addysgu'r cyhoedd?***

- ❖ ***A fyddai gennych ddi-ddordeb mewn helpu i gynllunio, cyd-drefnu a bod yn un o'r prif ysgogwyr wrth drefnu digwyddiadau a gweithgareddau codi arian ar y cyd â phwyllgor eich sir nawdd eich hun?***

Os ydych yn gallu ateb yn **GADARNHAOL** i'r cwestiynau hyn, yna efallai mai chi yw'r ymgeisydd delfrydol ar gyfer swydd bwysig a llawn bri Llysgennad CAFC.

Bwriad y nodiadau byr hyn yw rhoi cyfarwyddyd cyffredinol ynghylch:

- pa ymrwymadau a ddisgwylir gan Llysgennad CAFC
- y gefnogaeth y gellwch ei disgwyl gan y Gymdeithas
- y rhinweddau personol yr ydym yn credu y byddant yn helpu unigolion i lenwi'r swydd unigryw hon yn llwyddiannus

YMRWYMIAD

Dewisir Llysgennad CAFC am gyfnod o ddeuddeg mis yn y swydd, sy'n cyfateb i dymor eu sir nawdd. Serch hynny, mae'n cwmpasu cyfnod o ddwy flynedd i gynnwys y flwyddyn fel Darpar Llysgennad. Bydd yr ymgeisydd llwyddiannus yn gwasanaethu fel Darpar Llysgennad o'r penodiad yng nghyfarfod Cyngor CAFC yn y mis Rhagfyr cyn y flwyddyn yn y swydd.

Felly rydym yn disgwyl i'r ymgeisydd llwyddiannus gefnogi'r Llysgennad presennol yn rhannol yn eu gwaith a byddwch yn gweld bod hwn yn gyfnod gwerthfawr hefyd, a ddylai eich paratoi ar gyfer y flwyddyn gyffrous sy'n eich aros.

Prif ddigwyddiadau'r Gymdeithas yw'r Wyl Tyddyn a Chefn Gwlad a gynhelir ym mis Mai, Sioe Frenhinol Cymru ym mis Gorffennaf a'r Ffair Aeaf yn niwedd Tachwedd neu ddechrau Rhagfyr. Dylai Llysgennad CAFC fod yn bresennol ac yn weithgar gydol y digwyddiadau hyn. Mae noddwyr, arddangoswyr ac ymwelwyr yn gwerthfawrogi presenoldeb y Llysgennad ac agwedd bwysig ar eu gwaith yw sicrhau bod pobl yn hapus, yn mwynhau'r digwyddiadau, a helpu i gyfleu diolchgarwch CAFC am eu cefnogaeth.

Byddir yn gwahodd Llysgennad CAFC i fod yn rhan o grŵp marchnata CAFC a Fforwm Cenhedlaeth y Dyfodol a all gyfarfod nifer o weithiau y flwyddyn, i gynorthwyo wrth hyrwyddo digwyddiadau'r Gymdeithas. Mae disgwyl hefyd i'r Llysgennad fynychu cyfarfod Cyngor CAFC a Chyfarfod Cyffredinol Blynyddol CAFC.

Dylid gwneud pob ymdrech i fynychu'r cyfarfodydd pwysig hyn.

Mae prif ymrwymiad arall Llysgennad CAFC i'w sir nawdd ef/hi. Yn draddodiadol, mae'r sir nawdd yn gweithio'n ddiflino er mwyn codi arian tuag at brosiect dewisedig ar brif faes y sioe yn Llanfair-ym-Muallt. Mae Llysgennad CAFC bellach wedi dod yn aelod pwysig o'r tîm gweithgar hwn. Mae'r gweithgareddau a'r digwyddiadau a gaiff eu trefnu gan y sir nawdd yn tueddu hefyd i symbylu'r ymdeimlad o ysbryd cymdogol a chydweithrediad o fewn ein hardaloedd gwledig – gwobr wych arall o fod yn Llysgennad CAFC.

Bydd disgwyl i'r ymgeisydd weithio gyda'r tîm busnes a marchnata i ddatblygu rhaglen bwrpasol a gytunir gan y ddwy ochr ar gyfer digwyddiadau'r Gymdeithas yn arbennig.

CEFNOGAETH

Cefnogir Llysgennad CAFC gan staff CAFC. Bydd cyfarfod cynefino'n cael ei gynnal hefyd gyda'r darpar llysgennad a deiliad y swydd ar ddechrau'r flwyddyn a bydd y staff yn cynnig cyngor a gwybodaeth mewn perthynas â CAFC a'i disgwyliadau.

PROSIECT

Byddir yn annog y Llysgennad (a'i helpu, os bydd angen) i ddewis thema prosiect, yn deillio o un o amcanion yr elusen, i'w hyrwyddo gydol eu blwyddyn.

Er enghraifft, efallai y dymuna deiliad y swydd ddewis thema cadwraeth, ac os felly fe allent gysylltu â chyrff a sefydliadau sy'n gysylltiedig â'r maes hwn. Gallai hyn arwain at weithgaredd/weithgareddau arbennig yn Sioe'r Haf, yr Ŵyl neu'r / a'r Ffair Aeaf i arddangos rôl/cyfranogiad/perthnasoedd y Gymdeithas o fewn y maes hwn. Os yw deiliad y swydd yn dewis cynnyrch, fe allent gynnal brecwast/barbeciw neu debyg yn un o'r prif ddigwyddiadau, ar y cyd â sefydliadau partner. Gallai thema'n gysylltiedig â diwylliant neu dreftadaeth, ei chynnig ei hun i gynnal ryw fath o arddangosfa.

Byddai'r Gymdeithas yn hoffi annog deiliad y swydd i fod yn greadigol eu dychymyg, gwneud y swydd yn fwy amrywiol a diddorol yn ogystal â chaniatáu iddynt ddod â'u syniadau, sgiliau, profiadau a'u personoliaeth eu hunain i'r swydd.

Gallai eu rhaglen yn y digwyddiadau gael ei llunio o amgylch thema a gweithgareddau deiliad y swydd - gan gysylltu â busnesau a sefydliadau perthnasol, ymweld ag asiantaethau eraill i amlygu a hyrwyddo'u gwaith i gynulleidfa ehangach. Gallai deiliad y swydd chwilio hefyd am gefnogaeth bellach i'w thema/gweithgareddau hyrwyddo.

YR YMGEISYDD DELFRYDOL

Ni fwriedir i'r nodiadau cyfarwyddyd hyn fod yn argymhellol mewn unrhyw fodd. Rydym yn chwilio am unigolyn gyda brwdfrydedd ar gyfer y swydd anrhydeddus o Llysgennad CAFC ac, yn bwysig, i hyrwyddo nodau ac amcanion y Gymdeithas. Bydd angen i chi fod yn garismatig, bod â sgiliau rhyngbersonol naturiol rhagorol a bod yn wrandâwr da, sy'n fodlon gweithio'n galed a rhoi 100% o ymroddiad i'r swydd. Rydym yn chwilio felly am rywun gydag egni a mynd sydd â'r gallu i ymgymryd â'r swydd wirfoddol hon.

Rydym yn ymwybodol hefyd fod y swydd hon wedi datblygu'n sylweddol dros y 30 mlynedd ddiwethaf a 'dyw hyn ond yn iawn os yw Llysgennad CAFC i aros yn berthnasol i'r Gymdeithas ac yn alluog i wneud cyfraniad gwerthfawr. Mae'n hollbwysig felly eich bod yn gallu dod â'ch syniadau eich hun i'r swydd a meddwl am ffyrdd newydd o hyrwyddo gwaith eich sir nawdd a'r Gymdeithas yn ei chyfanrwydd.

O 2020 roedd y swydd yn agored i ddynion a merched i ymgeisio amdani am y tro cyntaf a byddir yn mynd â ffocws, dehongliad a chyflwyniad y swydd i gyfeiriad ychydig yn wahanol i sicrhau bod y swydd yn aros yn berthnasol a dylandwadol yn y byd cyfoes.

Os ydych yn meddwl eich bod yn barod ar gyfer her o'r fath ac yn meddu ar y rhinweddau yr ydym yn chwilio amdanynt yn Llysgennad CAFC, paham na rowch chi gynnig arni? Gallai arwain at un o brofiadau mwyaf cyffrous a gwerth chweil eich bywyd!

Gwefan: cafc.cymru

Dilynwch ni:



RHEOLAU A RHEOLIADAU

Mae'r rheolau a'r rheoliadau canlynol i'w nodi gan y Pwyllgor Ymgynghorol Sirol yn ogystal â'r Ymgeisydd. Mae yna nodiadau ar wahân i'r Pwyllgor Ymgynghorol Sirol ar gyfer cynnal y cyfweiliad.

1. Bydd y panel cyfweld yn cynnwys dau o bobl annibynnol a enwebir gan CAFC, ac un unigolyn sydd i'w enwebu gan y Pwyllgor Ymgynghorol Sirol.
2. Nid yw enillwyr blaenorol teitl Llysgenhades Frenhinol Cymru yn gymwys i gystadlu.
3. Rhaid i ymgeiswyr fod yn 21 mlwydd oed a hŷn ar y 1af Rhagfyr 2019 ac yn 35 mlwydd oed ac iau ar y 1af Rhagfyr 2020 a rhaid i'w gyfeiriad/chyfeiriad etholiadol ef/hi fod o fewn y Sir Nawdd ar ddyddiad y cais.
4. Nid yw'r Iaith Gymraeg yn hanfodol ar gyfer y swydd hon, ac mae croeso i geisiadau gan ymgeiswyr sy'n dangos eu gallu i gyflawni'r swydd yn Saesneg ac/neu yn Gymraeg.
5. Bydd yr ymgeisydd llwyddiannus yn derbyn £50.00 tuag at gostau gan y Pwyllgor Ymgynghorol Sirol ar ddechrau'i flwyddyn/blwyddyn fel Darpar Lysgennad. Bydd £350 yn cael ei dalu tuag at gostau ar ddechrau ei flwyddyn/blwyddyn yn y swydd, a gall costau ychwanegol gael eu talu gyda chymeradwyaeth ymlaen llaw gan CAFC, uchafswm y gyllideb sydd ar gael ar gyfer hyn fydd £500.
6. Rhaid anfon ceisiadau at Bennaeth Gweinyddiaeth CAFC ond rhoddir gwybod i'r ymgeisydd am drefniadau'r cyfweiliad a phenderfyniad y panel gan y Pwyllgor Ymgynghorol Sirol.
7. Ymrwymadau –
Cyn ac yn ystod ei flwyddyn/blwyddyn fel Darpar Lysgennad bydd disgwyl iddo/iddi fynychu'r canlynol –
 - Cyfarfod y Cyngor - Rhagfyr 2019
 - Gŵyl Tyddyn a Chefn Gwlad - Un Diwrnod o'r Wyl Ddeuddydd
 - Sioe Frenhinol Cymru - Un neu Ddau ddiwrnod o'r Sioe Bedwar Diwrnod
 - Ffair Aeaf Frenhinol Cymru - Un diwrnod o'r Ffair Ddeuddydd

Cyn ac yn ystod y flwyddyn yn y swydd fel Llysgennad bydd disgwyl i ddeiliad y swydd fynychu'r canlynol –

- | | | |
|---------------------------------------|---|-------------------------|
| • Cyfarfod Cyngor CAFC | - | Rhagfyr 2020 |
| • Gŵyl Tyddyn a Chefn Gwlad | - | Dau diwrnod |
| • Cyfarfod Cyffredinol Blynyddol CAFC | - | Mehedin |
| • Sioe Frenhinol Cymru | - | 4 diwrnod a dydd Sul |
| • Ffair Aeaf Frenhinol Cymru | - | Dau ddiwrnod a dydd Sul |
| • Cyfarfodydd grŵp Marchnata CAFC | - | Dwywaith y flwyddyn |
| • Gornest Cymdeithas Aredig Cymru | - | Medi |
| • Fforwm Cenhedlaeth y Dyfodol | - | Dau i bedwar cyfarfod |

Yn y swydd fel Darpar Lysgennad ac yn y swydd bydd llawer o ymrwymadau yn y sir.

8. Bydd Darpar Lysgennad CAFC yn derbyn bathodyn llabed y dylid ei wisgo ym mhob derbyniad perthnasol. Cyn dechrau blwyddyn Llysgennad CAFC, bydd y bathodyn llabed yn cael ei drosglwyddo i Ddarpar Lysgennad newydd CAFC a bydd bathodyn llabed newydd, wedi'i ddyddio a'i arysgrifio, yn cael ei gyflwyno i'r Llysgennad.

9. Preifatrwydd

Fel rhan o'r broses recriwtio, mae'r sefydliad yn casglu a phrosesu data personol yn ymwneud â'r ymgeiswyr am y swydd arhwydeddus. Bydd eich gwybodaeth yn cael ei rhannu i ddibenion y broses recriwtio gyda Phwyllgor Sir Nawdd perthnasol CAFC a'r panel dethol ynghyd â Phennaeth Gweinyddiaeth CAFC.

Ni fydd y sefydliad yn rhannu'ch data gyda thrydydd parti oni bai bod eich cais yn llwyddiannus. Oherwydd natur y swydd bydd eich enw'n cael ei rannu o fewn y Gymdeithas a'r cyfryngau.

Nid ydych dan unrhyw rwymedigaeth statudol neu gytundebol i ddarparu data i'r sefydliad yn ystod y broses recriwtio. Fodd bynnag os nad ydych yn darparu'r wybodaeth yma, efallai na fydd y sefydliad yn gallu prosesu'ch cais yn iawn neu o gwbl.

Mae'r sefydliad yn cymryd diogelwch eich data o ddifrif a bydd eich gwybodaeth yn cael ei dinistrio ar ôl y broses recriwtio os buoch yn aflwyddiannus.

10. Nodwch os gwelwch yn dda fod y gwahoddiad hwn yn un am gymorth gwirfoddol yn unig ac ni ddylid disgwyl dim iawndal yn gyfnewid am wasanaeth sy'n cael ei ddarparu fel gwirfoddolwr. Nid yw'r trefniant hwn yn gyfwerth â pherthynas gyflogi naill ai'n awr neu ar unrhyw adeg yn y dyfodol.

Trwy orchymyn Bwrdd y Cyfarwyddwyr

CYMDEITHAS AMAETHYDDOL FRENHINOL CYMRU



PENODI LLYSGENNAD CAFC 2021
Morgannwg – Sir Nawdd

FFURFLEN GAIS

CEISIADAU'N CAU:
31 Mai 2019

Enw (Mr Mrs / Miss / Ms) _____

Cyfeiriad Etholiadol _____

Côd Post _____

Cyfeiriad _____

Rhif Ffôn _____

Cyfeiriad E-bost _____

Dyddiad Geni _____

Gwaith neu alwedigaeth ar hyn o bryd _____

Manylion byr Addysg/ Diddordebau/ Prif Hobïau

Nodwch ym mha iaith y byddai orau gennych gael eich cyfweld

Trowch y dudalen os gwelwch yn dda

